

ხელშეკრულება მომსახურების შესყიდვის შესახებ #

60-7-214-572

ქ. თბილისი

2014 წ. 30.09.

I. მხარეები

1.1 წინამდებარე ხელშეკრულება დადებულია 2014 წლის 30 სექტემბერს, ერთი მხრივ სს „საქართველოს სახელმწიფო ელექტროსისტემა“ (შემდგომში „შემსყიდველი“), წარმოდგენილი მმართველთა საბჭოს თავმჯდომარის მოვალეობის შემსრულებლის გიორგი შარკოვის სახით და მეორეს მხრივ შპს „დაზღვევის კომპანია ქართუ“ (შემდგომში „მიმწოდებელი“), წარმოდგენილი დირექტორის არჩილ მამაცაშვილის სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ იღებს ვალდებულებას გაუწიოს „შემსყიდველს“ მომსახურება (CPV კოდი:6651000) დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

2.2. დანართი №1 და დანართი #2 წარმოადგენს წინამდებარე ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

3.1 ხელშეკრულების საერთო თანხა შეადგენს 9800 (ცხრა ათას რვაასი) ლარს დღგ-ს გარეშე (შემდგომში – „ხელშეკრულების ღირებულება“).

3.2. ანგარიშსწორება განხორციელდება ყოველთვიურად, ფაქტობრივად გაწეულ მომსახურებაზე გაფორმებული მიღება-ჩაბარების აქტისა და შესაბამისი დოკუმენტაციის წარმოდგენიდან 10 (ათი) კალენდარული დღის ვადაში.

3.3. მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

4.3 „მიმწოდებელი“ ვალდებულია სსე-ის კუთვნილი დიაგნოსტიკური ხელსაწყოების დაზღვევა განახორციელოს წინამდებარე ხელშეკრულების დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

ელექტრონული ტენდერი (№SPA140020206). სსე-ის კუთვნილი დიაგნოსტიკური ხელსაწყოების დაზღვევის მომსახურების შესყიდვაზე. მიმწოდებელი შპს „დაზღვევის კომპანია ქართუ“.

4.4 “მიმწოდებელი” ვალდებულია წერილობით აცნობოს “შემსყიდველს” მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.5 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს “მიმწოდებელს” ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა “შემსყიდველსა” და “მიმწოდებელს” შორის ხორციელდება ამ კონტრაქტით განსაზღვრული პირობებით.

V. მომსახურების გაწევის ვადა

5.1 მომსახურების გაწევის ვადაა 2014 წლის 1 ოქტომბრის 00:00 საათიდან 2015 წლის 1 ოქტომბრის 00:00 საათის ჩათვლით.

VI. მხარეთა პასუხისმგებლობა

6.1. „მიმწოდებლის“ მიერ მომსახურების დაგვიანებით გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ კალენდარულ დღეზე ხარისხიანი მომსახურების სრულად გაწევის დღემდე.

6.2 „მიმწოდებლის“ მიზეზით მომსახურების არასრულად, ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ კალენდარულ დღეზე ხელშეკრულების შეწყვეტის დღემდე.

6.3 ამ ხელშეკრულების 6.1 და 6.2 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში თუ “მიმწოდებლის” მიერ გაწეული მომსახურება დაწუნებულია ან ხარვეზებით არის შესრულებული, წუნდებული ან ხარვეზიანი მომსახურების მაგივრად ხარისხიანი მომსახურების გაწევის დღემდე.

6.4. ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5. „მიმწოდებლის“ მიერ „შემსყიდველისათვის“ მომსახურების საერთოდ არ გაწევის შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა სახელშეკრულებო ღირებულების 10% ლარის ოდენობით.

6.6. “შემსყიდველი” უფლებამოსილია გაწეული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს და ჯარიმის თანხები.

VII. ხელშეკრულების შესრულების კონტროლი

- 7.1 “შემსყიდველს” ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის” მიერ ნაკისრი ვალდებულებების შესრულებაზე.
- 7.2 ხელშეკრულების შესრულების კონტროლს “შემსყიდველის” მხრიდან უზრუნველყოფს სს „საქართველოს სახელმწიფო ელექტროსისტემის“ დიაგნოსტიკის სამსახურის უფროსი ალექსანდრე ნოზაძე და დიაგნოსტიკის სამსახურის ინჟინერი ეთერ ხარებავა.
- 7.3 კონტროლი განხორციელდება გაწეული მომსახურების ხარისხისა და მიწოდების ვადების შესაბამისობით ხელშეკრულების პირობებთან.

VIII. შესყიდვის ობიექტის მიღება-ჩაბარების წესი

- 8.1 მომსახურების მიღება-ჩაბარების აქტი ფორმდება ყოველთვიურად, ყოველი კალენდარული თვის დასრულებისთანავე ფაქტიურად გაწეულ მომსახურებაზე.
- 8.2 “მიმწოდებლის” მიერ წინამდებარე ხელშეკრულების 7.2 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ფაქტიურად გაწეულ მომსახურებაზე.
- 8.3 მომსახურების მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, აცნობოს “მიმწოდებელს” სათანადო ხარვეზების შესახებ (წუნდების არსი).
- 8.4 ხარვეზების აღმოჩენის შემთხვევაში „მიმწოდებელი“ ვალდებულია 5(ხუთი) სამუშაო დღის განმავლობაში თავისი ხარჯებით გამოასწოროს ხარვეზი.

IX. ფორს-მაჟორი

- 9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ საბუთად მხარეები განიხილავენ შესაბამისი სავაჭრო – სამრეწველო პალატის მიერ გაცემულ სათანადო ცნობას.
- 9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს,

იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახდინოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2. ხელშეკრულება შეიძლება ვადამდე მოიშალოს:

11.2.1. მხარეთა შეთანხმებით;

11.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.3 “შემსყიდველს” შეუძლია ხელშეკრულება ვადამდე შეწყვიტოს:

11.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.2. “მიმწოდებლის” გაკოტრების შემთხვევაში;

11.3.3. თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც „შემსყიდველის“ მხრიდან მის მიმართ ნდობის დაკარგვის საფუძველს იწვევს;

11.3.4. საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის 11.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად შესრულებული მომსახურების ღირებულება.

11.5 სახელმწიფოს შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით

ელექტრონული ტენდერი (№SPA140020206). სსე-ის კუთვნილი დიაგნოსტიკური ხელსაწყოების დაზღვევის მომსახურების შესყიდვაზე. მიმწოდებელი შპს „დაზღვევის კომპანია ქართუ“.

გათვალისწინებული შემთხვევისა. ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIV. ხელშეკრულების მოქმედების ვადა

14.2. ხელშეკრულება ძალაში შედის მხარეთა მიერ ხელმოწერისთანავე.

14.2 ხელშეკრულების მოქმედების ვადა ამოწურულად ჩაითვლება 2015 წლის 30 ნოემბრის ჩათვლით.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

ელექტრონული ტენდერი (№SPA140020206). სსე-ის კუთვნილი დიაგნოსტიკური ხელსაწყოების დაზღვევის მომსახურების შესყიდვაზე. მიმწოდებელი შპს „დაზღვევის კომპანია ქართუ“.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

XVI. მხარეთა რეკვიზიტები

„შემსყიდველი“:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ.#2
საიდ. კოდი: 204995176
ს/ს „საქართველოს ბანკი“
ბანკის კოდი: BAGAGE 22
ანგარიშის № GE56BG0000000283534100

გიორგი შარკოვი
მმართველთა საბჭოს თავმჯდომარის
მოვალეობის შემსრულებელი



„მიმწოდებელი“

შპს „დაზღვევის კომპანია ქართუ“
ქ. თბილისი, ჭავჭავაძის გამზ.#39ა
საიდ. კოდი 204970031
სს „ქართუ ბანკი“
ბანკის კოდი: CRTUGE22
ანგარიში № GE45CR0000000000533602

არჩილ მამაცაშვილი
დირექტორი



ელექტრონული ტენდერი (№SPA140020206). სსე-ის კუთვნილი დიაგნოსტიკური ხელსაწყოების დაზღვევის მომსახურების შესყიდვაზე. მიმწოდებელი შპს „დაზღვევის კომპანია ქართლ“.

დანართი №1

ფასების ცხრილი

N	ხელსაწყო დასახელება	განზომილ ების ერთეული	საიდენტიფიკაციო კოდი ან საკარხნო #	რაოდენობა	საბალანსო ღირებულება (ლარი)	სრულ დაზიანებაზე (განადგურებაზე) და ქურდობაზე ასანაზღაურებელი თანხა (ლარი)	ყოველთვიური (გადასახადი) სადაზღვევო პრემია (ლარი)	1 წლის სადაზღვევო პრემია 2014 წლის 01 ოქტომბრიდან 2015 წლის 01 ოქტომბრამდე (ლარი)
1	მულტიფუნქციური ტესტირების სისტემა (Omikron CPC100- Standard VE000610)	კომპლექტი	ს/კ 504543	1	54 535,63	54 535,63	73,62	883,48
2	მულტიფუნქციური ტესტირების სისტემა (Omikron CPC100- Standard VE000610)	კომპლექტი	ს/კ 603180	1	51 645,73	51 645,73	69,72	836,66
3	ეგხ-ს მზომი ხელსაწყო ტესტირების ბარათით (Gjuling Unit CP CUlverz0671, Seque nser Test Card vesm 0635)	ცალი	ს/კ 603182	1	21 792,46	21 792,46	29,42	353,04
4	ეგხ-ს მზომი ხელსაწყო ტესტირების ბარათით (Gjuling Unit CP CUlverz0671, Seque nser Test Card vesm 0635)	ცალი	ს/კ 504544	1	23 094,27	23 094,27	31,18	374,13
5	დენის ტრ-რის მზომი ხელსაწყო (CT Analyzer Omikron)	ცალი	ს/კ 603189	1	8 627,11	8 627,11	11,65	139,76
6	ინფრა წითელი კამერა FLIR P 640	ცალი	ს/კ 603178	1	62 745,39	62 745,39	84,71	1 016,48
7	ინფრა წითელი კამერა FLIR P 640	ცალი	ს/კ 603177	1	58 737,06	58 737,06	79,30	951,54

ელექტრონული ტენდერი (№SPA140020206). სსე-ის კუთვნილი დიაგნოსტიკური ხელსაწყოების დაზღვევის მომსახურების შესყიდვაზე. მიმწოდებელი შპს „დაზღვევის კომპანია ქართუ“.

8	თბოვიზორი T-425 320X240	ცალი	ს/კ 100475	1	20 019,74	20 019,74	27,03	324,32
9	თბოვიზორი T-425 320X240	ცალი	ს/კ 101227	1	20 976,36	20 976,36	28,32	339,82
10	ულტრაბგერითი დეფექტების განმსაზღვრელი ხელსაწყო UltraProbe 15000	ცალი	ს/კ 100996	1	29 113,08	29 113,08	39,30	471,63
11	სიხშირული მახასიათებლების ანალიზატორი FRAnaiuzer FR1	ცალი	საქარხნო #HL482L	1	32 193,00	32 193,00	43,46	521,53
12	ტრანსფორმატორების ავტომატური გამოცდის კომპლექტური CP-SB-1	ცალი	საქარხნო #FB454W	1	16 010,65	16 010,65	21,61	259,37
13	ეგზ-ზე დაზიანების აღმოჩენის სისტემა SEBA KMT	ცალი	საქარხნო #1205637510	1	102 329,25	102 329,25	138,14	1 657,73
14	ეგზ-ზე დაზიანების აღმოჩენის სისტემა SEBA KMT	ცალი	საქარხნო #1306731801	1	102 329,25	102 329,25	139,21	1 670,52
ჯამში (დღგ-ს გარეშე)				14	604 148,98	604 148,98	816,67	9 800,00


ხელშეკრულების საერთო ღირებულება დღგ-ს გარეშე შეადგენს 9800(ცხრა ათას რეაქსი) ლარს.

„შემსყიდველი“:

სს „საქართველოს სახელმწიფო ელექტროსისტემის გიორგი შარკოვი მმართველთა საბჭოს თავმჯდომარის მოვალეობის შემსრულებელი

„მიმწოდებელი“

შპს „დაზღვევის კომპანია ქართუ“



დანართი #2

ტექნიკური პირობები


სს „საქართველოს სახელმწიფო ელექტროსისტემის“ კუთვნილი დიაგნოსტიკური ხელსაწყოების დაზღვევა უნდა განხორციელდეს 2014 წლის 1 ოქტომბრიდან 2015 წლის 1 ოქტომბრამდე სადღეღამისო 24 საათიანი გრაფიკით: მზღვეველმა ქვემოთ ჩამოთვლილ შემთხვევებში სადაზღვევო თანხა უნდა აანაზღაუროს სადაზღვევო შემთხვევის დადგომიდან ან/და ზარალის ოდენობის განსაზღვრიდან ნაწილობრივი დაზიანების შემთხვევაში არაუგვიანეს 1 (ერთი) თვის განმავლობაში:

1. სტანდარტული ქონების რისკების ჩათვლით (ხანძარი, მეხის დაცემა, აფეთქება, პილოტირებული საფრენი აპარატის ან მისი ნაწილების ჩამოვარდნა, სტიქიური უბედურება, ძლიერი წვიმა, სეტყვა, მიწისძვრა, მეწყერი, ზვავი, გრუნტის დაჯდომა, გრუნტის წყლების ქმედებები, წყალდიდობა, გრიგალი, ქარიშხალი, ჰაერის მასების მოძრაობა 80 კმ/სთ-ზე მეტი სიჩქარით) აგრეთვე ტრანსპორტირებისას(ავარია) დაზიანების შემთხვევაში და ქურდობაზე.
2. ფრანშიზა ნაწილობრივ დაზიანებაზე: 2% ზარალის თანხიდან.
3. ფრანშიზა სრულ დაზიანებაზე (განადგურებაზე) და ქურდობაზე: 1% ასანაზღაურებელი თანხიდან.

„შემსყიდველი“:

სს „საქართველოს სახელმწიფო ელექტროსისტემა“

გიორგი შარკოვი
მმართველთა საბჭოს თავმჯდომარის
მოვალეობის შემსრულებელი



„მიმწოდებელი“

შპს „დაზღვევის კომპანია ქართუ“

არჩილ მამაცაშვილი
დირექტორი

